



ALB-AUDIT

K Q Z
U PROTOKOLLUA
NR. 148/PROT
DATE 23.03.18

ALB-AUDIT sh.p.k
Rr. EMIN DURAKU
Nd.2, H.8, Ap.10
Njesia Bashklake Nr.6, Kod Postar 1019
TIRANE
NIPT : L 01417011 K
TeVfax +35542251744 , Cel. 0692042251
Email:albaudit@gmail.com :hsulaj@vahoo.com

RAPORT I AUDITUESIT TË PAVARUR

Për Komisionin Qëndror të Zgjedhjeve
Rruga "Ibrahim Rugova", Nr. 4, Tiranë, Shqipëri

I. Raport mbi Auditimin e Pasqyrave Financiare 2017

Opinionit pa rezervë

Në përmbushje të kushteve të angazhimit me Komisionin Qëndror të Zgjedhjeve (pala angazhuese), ne kemi audituar pasqyrat financiare të Partisë "Minoriteti Etnik Grck per te Ardhmen" (MEGA) (pala përgjegjëse), të cilat përfshijnë pasqyrën e pozicionit financiar me datën 31 Dhjetor 2017, pasqyrën e aktiviteteve dhe pasqyrën e flukseve të parasë për vitin që mbyllet me këtë datë, si edhe shënimet për pasqyrat financiare, përfshirë një përmbledhje të politikave kontabël më të rëndësishme.

Sipas opinionit tonë, pasqyrat financiare bashkëlidhur paraqesin drejt, në të gjitha aspektet materiale, pozicionin financiar të Partisë " Minoriteti Etnik Grek per te Ardhmen" më datën 31 Dhjetor 2017, dhe performancën financiare dhe flukset e parasë për vitin që mbyllet në këtë datë, në përputhje me Standardin Kombëtar te Kontabilitetit.

Baza për opinionin pa rezervë

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen Përgjegjësitë e Audituesit për Pasqyrat Financiare. Ne jemi të pavarur nga subjekti partia " Minoriteti Etnik Grek per te Ardhmen" në përputhje me kërkesat etike që janë të zbatueshme për auditimin e pasqyrave financiare në Shqipëri, dhe kemi përmbushur përgjegjësitë e tjera etike në përputhje me këto kërkesa. Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

Përgjegjësitë e Drejtimit dhe të Personave të Ngarkuar me Financat e Partisë në lidhje me Pasqyrat Financiare

Drejtimi dhe të personat e ngarkuar me financat e Partisë janë përgjegjës për përgatitjen e pasqyrave financiare në përputhje me Standardin Kombëtar të Kontabilitetit për Organizatat jo-Fitimprurese (SKK-të për OJF-të), dhe për ato kontrole të brendshme që drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Drejtimi është gjithashtu përgjegjës për të zhvilluar aktivitetin ekonomik dhe financiar të Partisë në përputhje me kërkesat specifike të ligjit nr. 8580, datë 17.2.2000 "Për Partitë Politike" i ndryshuar dhe me udhëzimet e Komisionit Qëndror të Zgjedhjeve.

Ata që janë të ngarkuar me financat e partisë janë përgjegjës për mbikëqyrjen e procesit të raportimit financiar të Partisë.

Përgjegjësitë e Audituesit për Auditimin e Pasqyrave Financiare

Objektivat tona janë që të arrijmë një siguri të arësyeshme lidhur me faktin nëse pasqyrat financiare në tërësi nuk kanë anomali materiale, për shkak mashtrimit apo gabimit, dhe të lëshojmë një raport auditimi që përfshin opinionin tonë. Siguria e arësyeshme është një siguri e nivelit të lartë, por nuk është garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston. Anomalitë mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arësyeshme të influencojnë vendimet ekonomike të përdoruesve, të marra bazuar në këto pasqyra financiare.

Ceshtje per tu theksuar

Pasqyrat Financiare te partise " Minoriteti Etnik Grek per te Ardhmen" (MEGA), nuk jane plotesuar ne perputhje me Standartin Kombëtar të Kontabilitetit për Organizatat jo-Fitimprurese (SKK-të për OJF-të).Ato jane plotesuar sipas standarteve te kontabilitetit per shoqerite tregetare. Efekti eshte jo-material , por i sugjerojm organizates qe te rregulloj situaten per periudhen e ardhshme .

II. Raport mbi Kërkesa të Tjera Ligjore dhe Rregullatore

Ky seksion i raportit trajton përgjegjësitë e tjera të raportimit në raportin e audituesit mbi pasqyrën financiare, përveç përgjegjësiave të audituesit sipas SNA-ve.

Këto përgjegjësi të tjera raportuese burojnë nga termat e kontratës, në të cilën Komisioni Qëndror i Zgjedhjeve (KQZ-ja) si organi përgjegjës për monitorimin dhe mbikëqyrjen e financimit të partive kërkon opinionin tonë edhe për përputhshmërinë e veprimeve ekonomike dhe financiare që lidhen me kërkesat specifike të ligjit nr. 8580, datë 17.2.2000, "Për Partitë Politike", i ndryshuar dhe udhëzimet e KQZ-së, si burimet e financimit, procedurat e marrjes së donacioneve jopublike, dokumentimit dhe të regjistrimit të tyre, identifikimin e dhuruesve, publikimin e tyre, etj.

Bazuar në auditimin tonë, në vijim po ju paraqesim informacionet, gjetjet dhe konstatimet e arrituara për veprimet ekonomike dhe financiare që kanë rregullime dhe kufizime ligjore dhe opinionin për përputhshmërinë e tyre me këto kërkesa.

Si person juridik, Partia " Minoriteti Etnik Grek per te Ardhmen" (MEGA) është e regjistruar në sistemin tatimor me NIPT-in L04703991T dhe ka bërë deklaratimet e duhura sipas përgjegjësiave tatimore dhe aktivitetit që ka kryer.

Nga verifikimet rezultoi se gjate periudhes raportuese 2017 subjekti politik ka realizuar të ardhura(hyrje) nga burimet dhe në shumat e treguara në tabelën vijuese:

Nr	Përshkrimi i Elementëve	Viti Raportues	Viti Paraardhës
		31.12.2017	31.12.2016
		Të ardhurat-Lekë	Të ardhurat-Lekë
	Të ardhurat		
1	Të ardhura nga tarifat e antarësimit	-	-
2	Të ardhura nga donacionet dhe kontributet vullnetare	191.016	228.194

Të ardhura nga grantet qeveritare apo nga agjenci të tjera të financimit	-	-
3		
Shuma	191.016	228.194

Ne zerin "Të ardhura nga tarifat e antarësimit", nuk konstatohen të ardhura.

Subjekti politik ka siguruar të ardhura nga kontributi vullnetar i vet Kryetarit të partisë në shumen 191.016 leke, nga burimet e veta personale (Sipas deklaratës së leshuar nga vete kryetari i partisë z.Kristo Kico).

Subjekti politik nuk ka siguruar të ardhura nga buxheti i shtetit.

Nuk u evidentuan të ardhura të tjera, në para apo natyrë, apo informacione të tjera që lidhen me kërkesa dhe kufizime ligjore, në dokumentat kontabël dhe pasqyrat financiare të paraqitura nga drejtimi financiar i partisë.

Në përfundim të verifikimeve dhe informacioneve të marra, në reference me kërkesat, kufizimet dhe detyrimet e ligjit "Për Partitë Politike", i ndryshuar dhe udhëzimet e KQZ-së, për çështjet që gjejnë zbatim ju paraqesim opinionin tonë si vijon:


- Burimet e financimit të aktivitetit politik të Partisë "Minoriteti Etnik Grek për të Ardhmen" (MEGA) për periudhën raportuese 2017, kanë ardhur vetëm nga kontributi vullnetar i kryetarit të partisë. Të ardhurat realizuara dhe të deklaruara janë në përputhje me burimet e lejuara nga ligji "Për Partitë Politike" i ndryshuar.

Një përshkrim më i detajuar i përgjegjësive të audituesit për auditimin e pasqyrave financiare mund të gjendet në shtojcën bashkangjitur raportit. Ky përshkrim është pjesë përbërëse e raportit tonë të auditimit.

ALB-AUDIT sh.p.k/

Hetem Sulaj

Ortaku Kryesor i Auditimit



Tiranë, më 25 Korrik 2018

Shtojcë e raportit të audituesit

Përgjegjësitë e Audituesit për Pasqyrat Financiare

Si pjesë e auditimit në përputhje me SNA-të, ne ushtrojmë gjykimin profesional dhe ruajmë skepticizmin profesional gjatë gjithë auditimit. Ne gjithashtu:

- Identifikojmë dhe vlerësojmë rreziqet e anomalisë materiale, qoftë për shkak të mashtrimit ose gabimit, hartojmë dhe kryejmë procedurat e auditimit në përgjigje të këtyre rreziqeve, dhe marrim evidencë auditimi që është e mjaftueshme dhe e përshtatshme për të siguruar një bazë për opinionin tonë. Rreziku i moszbulimit të një anomalie materiale si rezultat i mashtrimit është më i lartë se rreziku si rezultat i gabimit, sepse mashtrimi mund të përfshijë marrëveshje të fshehta, falsifikime, përjashtime të qëllimshme, informacione të deformatuara, anashkalime të kontroleve të brendshme.
- Sigurojmë një njohje të kontrollit të brendshëm që ka të bëjë me auditimin, me qëllim që të përcaktojmë procedurat e auditimit që janë të përshtatshme sipas rrethanave, por jo për qëllime të shprehjes së një opinioni mbi efikasitetin e kontrollit të brendshëm të Partisë.
- Vlerësojmë përshtatshmërinë e politikave kontabël të përdorura dhe arsyeshmërinë e çmuarjeve kontabël dhe të shpjegimeve përkatëse të bëra nga drejtimi.
- Nxjerrim një konkluzion në lidhje me përshtatshmërinë e përdorimit të bazës kontabël të vijimësisë, dhe bazuar në evidencën e auditimit të marrë, nëse ka një pasiguri materiale në lidhje me ngjarjet ose kushtet, e cila mund të hedhë dyshime të mëdha për aftësinë e Partisë për të vijuar veprimtarinë. Nëse ne arrijmë në përfundimin që ka një pasiguri ne duhet të tërheqim vëmendjen në raportin e audituesit në lidhje me shpjegimet e dhëna në pasqyrat financiare, ose nëse këto shpjegime janë të papërshtatshme, duhet të modifikojmë opinionin tonë. Konkluzionet tona bazohen në evidencën e auditimit të marrë deri në datën e raportit tonë, dhe gjithashtu në përcaktimet ligjore të fushes ku vepron subjekti politik.
- Vlerësojmë paraqitjen e përgjithshme, strukturën dhe përmbajtjen e pasqyrave financiare, përfshirë informacionet shpjeguese të dhëna, dhe nëse pasqyrat

financiare paraqesin transaksionet dhe ngjarjet në to në një mënyrë që arrin paraqitjen e drejtë.

Ne komunikojmë me personat e ngarkuar me qeverisjen, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.